

2000 f. 1

SUPPLEX RECOGNITIO
ET
GRATULATIO SOLENNIS
Universitatis Oxoniensis


Ex decreto venerabilis Domus Convocationis

Feb. 21. An. 1685. oblata

SERENISSIMO & AUGUSTISSIMO PRINCIPI
JACOBO SECUNDO,

Dei Gratia Angliæ, Scotiæ, Franciæ & Hibern.

R E G I &c.



OXONII,
E THEATRO SHELDONIANO,
An. Dom. 1685.

SUBTILIS RECOGNITIO

ET

GRATULATIO-SOLENNIS

Universitatis Okeniensis

In anno domini MDCCLXXIII

Die 15 Julii

SERENISSIMO & AUGUSTISSIMO PRINCIPIS

JACOBO SECUNDO

Dei Gratia Angliae, Scotiae, etc. Rex

REGI

OTTO VITI

FRANCISCO JOSEPHO

IMPERATORI



Augustissime Princeps,



ERENISSIMÆ Tuæ Majestatis subditorum humillimi, Universitas vestra Oxoniensis submissio cultu, quaque possumus reverentia, pedibus tuis Regiis advoluti, sincerum nostrum dolorem hoc publico testimonio consignatum, optimi Principis augustissimis Manibus piæque memoriæ consecramus: totoque insuper affectu singulare Numinis beneficium colimus, quando Deus ille, per quem Reges regnant, pro ineffabili sua erga hanc Ecclesiam atque Rempublicam clementia, sacratissimam Majestatem tuam conservavit, ad hoc imperium, hanc Tuam hæreditatem capeffendam.

Et cum nulla nos unquam vis abductura sit ab Ecclesiæ Anglicanæ doctrina & disciplina hujus regni legibus sancitis, cujus præceptis hic imbuti Majestati Regiæ fidem optimam & obedientiam integram præstamus, nullisque conditionibus obnoxiam; temperare nobis non possumus, quin immensas tibi gratias agamus, quod hujusce religionis nostræ tutelam

tutelam ultro susceperis; & (quo nec majus benefici-
um, neque gratius conferre potuisti) hanc te perpe-
tuo defensurum, non verbo solum, sed edicto quoque
Regio benignissime confirmaveris.

Quapropter tam officii nostri conscientia, quam tua
illa propensissima erga subditos voluntate permoti,
spondemus sancteque recipimus nos nullis unquam
rationibus eo perducendos, ut ab officii religione
discedamus, sed in ea usq; fide perseveraturos, quam
Parenti olim tuo præstitimus gloriosissimo Martyri;
quam fratri nuper Augustissimo Tibique in difficili
illo atque ancipiti statu Reipublicæ, nulla spe, nullis
artibus, nullo unquam timore labefactatam: Quin
& favente Deo optimo maximo, omni ope atque o-
pera enifuros, ut quæcunque demum præsidia lite-
rarum, beneficio Numinis tenemus, quæcunque Re-
gis indulgentia in hac arce doctrinæ atque domicilio
congressit, ea omnia ad salutem Principis, ad quie-
tem Regni, ad communem utriusque felicitatem at-
que tutelam summa fide conferamus.

Postremo cum precibus assiduis ad gratiæ thro-
num accedemus, ut qui te Deus in avito folio, pro
immensa sua bonitate, cum summa pace collocavit,
unctum suum deinceps & in æternum conservare
atque munire dignetur; Majestatem tuam tueri &
vitam producere: & cum ætatem denique diutur-
nam in honore & pace exegeris, pro terrestri illa
& caduca, perennem tibi immortalis gloriæ coronam
in cœlesti suo regno largiatur.



SERENISSIMÆ
Regiæ Majestati.

Gæfareas clades Academia mœsta, dolore
Exequitur, pectus vulnere fixa gravi.
In laudes CAROLI toties quæ carmina fudit,
Innectens lætis verba sonora modis;
Hic ad ripas sedet atra sordida veste,
(Convenit immensis luctibus ille color.)
In lacrymas resoluta, novas dat fluctibus undas,
Et falso puras gurgite turbat aquas.
Ultro dilecti manibus cecidere libelli,
Neglectumque humeris barbitos hæsit onus.
Impediunt voces gemitus, meditata querelas,
Incerto titubant carmina clauda pede.
Hæc raptus poscit Princeps, hæc iusta superstes.
(Cujus in ærumnis non doluisse nefas.)
Augustus luget non fictis fletibus hæres,
Hinc fata, atque illinc sævior instat amor.
Fælices lauros intexit nigra cupressus,
Feralis bifido vertice surgit apex.

Nec, JACOBE, tibi moesta pietatis honores
Duplicent; illos in tua jura damus.
Occidit heu Caesar fatis præreptus, eodem
Est studii ratio, spesque sepulta rogo.
Respexit miser hic blando lumine Musas,
Nec piguit sacro continuisse sinu.
Non aliter virides hederæ, Jovis arbore nixæ,
Undique felices explicuere comas.
Perpetui veris securæ, & flore juventæ
Riserunt madidi flamina sæva noti.
Sed postquam ferro durisque bipennibus ilex
Acta ruit, sacro & vertice pressit humum.
Conciderant vicina arbuſta, hederæque sequaces,
Et vagæ per totum sparsa ruina nemus.
At tu succreſcis ſilvæ qui gloria noſtræ
JACOBE, & ſacrum tollis in aſtra caput;
Qui valido extendis circum ramalia trunco,
Ulnis complexus quæ Thetiſ alma tenet:
Quin patere ut poſſint hederæ tibi ſerpere; longum
Atque corymbifero palmite ſyrma trahant.
Confurgent illæ, teque illæ ſtante virebunt,
Frondeſcentque novæ ſemper honore comæ.
Et niſi nos fallant, non vanos omina vates,
Oxonium ſub te quod ſibi ſperet habet.
Viſere qui noſtras non dedignatus Athenas,
Aſpiciis facies uſque vigere tuis.

JOH. LLOYD
Vice-Cancel. Oxon.

SERE-

Serenissimæ

R E G I N Æ.

Regina eximium terris decus addita nostris,
Munere quo nullum grandius Anglus habet,
Eja age sydereo diademate tempora cingas,
Et jubare accendat frontis radiata diem.
Talis odorato surgens aurora cubili,
Purpureo rutilas spargit ab axe faces.
Immensum talis collustrat lampade cœlum,
Sol quando Eoo carcere mittit equos.
Quicquid longa dies multos congestit in annos,
Atque secuturis fama loquetur anus:
Commeruit quascunque olim domus Atia palmas;
Cæsaris exornat laurigerasque fores;
Quicquid Rinaldi, Borsi, Alphonisque merentur,
Et Sigebertorum nomina sacra ferunt:
Commiscent longe rivos, & flumine largo,
Accedunt titulis Laura MARIA tuis.
Ipsa tamen superas, quoscunque admittis honores,
Atque decus magno fœnore reddis avis.
Tantus frontis honos, oculorum gratia tanta est,
Quique facer pulcro regnat in ore pudor.
Majestas quali se ostentat regia Juno:
Ornatus, cuperet quem Cytherea sibi:
Ignea vis, qualem Pallas Tritonia jactat,
Cum posita idaliæ casside fumit acum.
Diva ergo Angliacas, præsens tucaris Athenas,
Quæque ornas artes, artibus alma fave.

Ida cohors illæ, spectataque rebus in arctis,
Invasit solium cum furiale nefas.
Mufarum in gremio majestas tuta refedit,
Præsidio freta est purpura sacra togæ.
Pro castris stabant, fueti invigilare libellis,
Nec gladii doctas dedecuerunt manus.
Sed regina dabis grata otia; classica Martis,
Nec Phœbi efficient conticuiffe chelyn.
Aoniæ tanta florebut præside Mufæ,
Castalios latices Ifidis unda dabit.
Terra Venusinos feret hæc, vatesque Catullos,
Nasceturque iterum Parthenopæus olor.
In quascunque hospes Regina adveneris oras,
Vertitur in Latium barbara terra tuum.
Ipsa animos geniumque, eadem viresque ministras,
Quæque argumentum carminis, auctor eris.

JOH. LLOYD

Vice-Cancel. Oxon.